

## **Theologiæ Sacramentalis Scholasticæ Et Moralis Pars ...**

Ad Mentem Doctoris Subtilis Ioannis Duns Scoti D. Augustino conformen

In Qua Tractatur De Contractu Et Sacramento Matrimonii

**Bosco, Jean a**

**Lovanii, 1678**

Concl. VI. Matrimonium infidelium non èò sit Sacramentum, quòd uterque baptizetur; sed neque quòd prior consensus posteà renovetur.

---

[urn:nbn:de:hbz:466:1-73432](#)

casu de Matrimonio, si contrahentes, cùm sicut baptizati, velint facere contractum, non tamen Sacramentum. Nam si haec posterior voluntas procedat ex privato errore, quo existimant, Matrimonium non esse Sacramentum; tamen re ipsa velint Matrimonium contrahere eo modo, quo Christus instituit, vel quo, juxta Dei voluntatem & ordinacionem, contrahi debet, tunc ille error particularis non excludit sufficientem intentionem ad faciendum Sacramentum; quia ad hoc sufficit illa voluntas universalis, & altera particularis non propriè est ex affectu & intentione non faciendo Sacramentum, sed solum ex errore: quia putant in re ipsa, nullum esse Sacramentum. Si autem illa voluntas revera sit propriè intentio & affectus separandi, quantum in ipsis est, rationem Sacramenti à ratione contractū, vel ut Matrimonium non sit indissolubile, vel propter aliam similem ineptam rationem, tunc revera non fieri Sacramentum, quia deest necessaria intentio. An verò validum est etiam Matrimonium in ratione contractū, alterius est considerationis.

Quidquid ergo circa hoc dicatur, probatur illud primum; quia vel ratio contractū est in re ipsa separabilis à ratione Sacramenti inter tales contrahentes: & sic cùm ipsi intendant, illa duo separare, & utrumque penderat ex eorum intentione nihil obstat, quod minus re ipsa separarent: aut non possunt in re separari post Christi institutionem: & tunc valor contractū pender intrinsecè ex Sacramento, comparatur enim ad illud, ut effectus ad causam, seu ut res ad Sacramentum: ergo oportet, ut intentio Sacramenti ante omnīs præcedat, alioquin nihil fieri, sicut dicebamus de intentione Baptismi, & effectus ejus. Qui verò intendenter facere Sacramentum, non autem contractū Matrimonii, nihil etiam facerent, quia illa posterior intentio, non tantum est circa effectum sed etiam circa materiam Sacramenti, quam destruit. Hucusque Suarez.

Quis jam non videt verum esse quod antea dixi, scilicet hunc Auctorem controversiam, de qua hic tractamus, relinquere omnino indecisam? Unde ergo fit, quod Adversarii Suarium cident pro lata sententia, nisi quia proprii oculis Suarium non legerunt? Bene de hujusmodi dici potest, quod Christus de Pharisæis dixit Matth. 15. v. 14. *Sicut illos: ceci sunt & daces eorum: coccus amorem si cœco ducatum p̄f̄set, ambo in foveam cadunt.*

Porrò sententiam nostram clarissimè docet Villalobos 1. part. Sum. Theol. tract. 13. diffic. 6. n. 4. ubi sic ait: La duda es, si en este caso seria Matrimonio, como es entre los Gentiles, ya que no fuese Sacramento? San-

chez dice, que no lo seria, porque en la ley nueva, junto Christo inseparablemente la razon de Sacramento, con el contrato Matrimonial. Mas esto no lo prueba, ni lo puede provar, como dice Rebello, el qual tiene la opinion contraria, y dice, que seria Matrimonio, mas no Sacramento, porque el contraer debaxo della condition, aunque seria gran pecado, no es contra la substancia del Matrimonio, al qual Christo añadio la razon de Sacramento, y assi queda debaxo de contrato natural, como el de las Moros, y otros infideles. Ita hic Auctor.

Sed dicer aliquis: Omne Matrimonium fidelium consummatum, est omni casu indissolubile, idque ob rationem Sacramenti.

Respondeo: non idèo; sed quia est fideliū seu baptizatorum; cùm etiam conjugium infidelium, eo ipso, quod baptizantur, fiat omnino insolubile, & tamen non fiat propterea Sacramentum, ut ediffero Concl. seq. qua talis est:

### CONCLUSIO VI.

Matrimonium infidelium non è fit Sacramentum, quod uterque baptizetur; sed neque quod prior consensus postea renoveretur.

**S**uppono cum communi sententia, Sacramentum Matrimonii competere primo contractui eorundem conjugum & nulli alteri. Pater; quia Sacramentum Matrimonii non potest competere, nisi contractui Matrimonii; sed solus primus contractus eorumdem conjugum, est verus contractus Matrimonii; ergo &c. Probatur Minor ex definitione contractū Matrimonii: Confensus maris & feminæ signo externo expressus, quo jus perpetuum tradunt in mutua corpora ad usum conjugalem; jam autem posito primo contractu Matrimonii, vir non habet potestatem seu jus corporis sui, sed mulier; & mulier non habet potestatem seu jus corporis sui, sed vir, teste Apostolo 1. Cor. 7. v. 4. Ergo posito primo contractu Matrimonii, vir non potest amplius tradere potestatem corporis sui mulieri, neque mulier potestatem corporis sui viro; ergo secundus contractus, quem attentant eidem conjuges, dicentes rursum: *Ego te accipio in meum & Ego te accipio in meum*, non est verus contractus Matrimonii, quia per illum non datur nova aliqua potestas, sed tantum est renovatio fidei, antea datae, seu promissio servandæ fidei. Velut dum Religiosus aliquis renovat vota Professionis, non dicitur rursus profiteri; quia Professio significat traditionem sui in jus Or-

R 3 dini

*Renovatio  
Professionis  
non est vera  
Professio.*

dinis, non potest autem tradi, quod amplius non habetur; sed ad summum illa renovatio haber rationem simplicis voti vel promissio-nis respectu Dei; vel etiam Ordinis, si fiat Praelato.

Alioquin, repetitio contractus Matrimonialis foret omnibus fraudanda; & ab omnibus merito practicanda; quippe iteratus con-juges acciperent gratiam Sacramentalem tum habitualem, tum auxilia actualia ad sustinenda onera Matrimonii, quo nihil majus eis for-ret optandum; hoc autem est contra communem sensum omnium fidelium, qui nunquam id practicant, aut certe rarissime, idque non ad accipiendam gratiam, sed ad ostendendum mutuum amorem.

*297.  
Quid si pri-  
mum Matr.  
fuerit per  
mortem dis-  
solutum.*

Sed quid; si per mortem primum Matrimoniū fuerit dissolutum? Absque dubio possunt de novo contrahere; quia jam habent rursum potestatem sui corporis, quam alteri possint tradere: verum tunc non consenserunt eidem contrahentes, sed potius diversi. Quæstio ergo solum est, an eidem conjuges, sibi rennovando mutuo fidem fecerit, & conficiant novum contractum, & novum Sacramentum. Et sane sententiam negantem arbitror satis demonstratam.

*298.  
Probatur  
Conclus.*

Sed quorū hoc suppositum? Ut ex eo dilucidè probetur nostra Conclus. hoc modo: Solus primus contractus eorūdem conjugum, est verus contractus Matrimonii, & per consequens verum Sacramentum; ergo Matrimonium infidelium non est fit Sacra-mentum, quod uterque baptizetur; sed neque, quod prior consensu renovetur. Probatur Consequētia; quia Matrimonium infidelium non est fit verus contractus Matrimonii, quod uterque baptizetur; sed neque, quod prior consensu renovetur; ergo non fit Sacramentum. Consequētia patet; quia Sacramentum essentialiter est contractus Matrimonii; ergo si non fiat contractus, neque fit Sacramentum.

*299.  
Matrimo-  
nium infide-  
lium non fit  
contractus  
per Baptis-  
tum.  
2. Cor. 7.  
C. 8. de  
Divort.  
C. 4. de  
Confang.*

Quod autem non fiat contractus, inde satis constat; quod infideles validè contrahant matrimoniū, teste Apol. 1. Cor. 7. v. 12. Si quis frater uxorem habet infidelem, & hæc consentit habitare cum illo, non dimittat illam. Et definitur cap. Gaudemus, d. Divortiis, ibi: Super quo taliter respondemus, quod cùm Sacra-mentum conjugij apud fideles & infideles existat. Item cap. De Infidelibus, q. de Confanguin. ibi: Consultationi tuae duximus respondendum, quod Matrimonium sic contractum, non est post Baptismi lavacrum separandum: cùm à Iudeis Domini requisitus, si licet uxorem ex quacumque causa dimittere, ipsi respondit: Quos Deus coniunxit, homo non separet, per hoc innuens esse Matrimonium inter eos. Loquitur Innoc. 3. de infidelibus conjunctis in gradu prohibito à lege Canonica.

Ergo Matrimonium infidelium non est verus contractus Matrimonii, quod uterque baptizetur; quia ante Baptismum erat verus contractus, & solus primus contractus verus est; ergo etiam non fit Sacramentum, quia Sa-cramentum est essentialiter contractus inter baptizatos initus, sive contractus in fieri, quia hic non inventur; nam neque contractus præteritus fuit inter baptizatos, neque jam nullus modo existit, scilicet in fieri, sed (solum) in facto esse, id est, vinculum inter baptizatos existit, quod non est verum & proprium Sacramentum, id est, signum offici gratiae; sed tantum Sacramentum late accipiendo pro qualibet signo rei sacræ, de quo hic non queritur.

Et de hoc Sacramento Basil. Pont. lib. 1. c. 9. n. 7. explicat D. Thomā, quem ad versari pro fe citant 4. dist. 39. q. un. 2. ad primum, ubi sic ait: *Ad primum ergo de-cendum, quod Matrimonium non tantum effi-ciut in Sacramentum, sed in officium sacra-ræ: & ied quāvis infidelibus non competit Matrimonium, secundum quod est Sacra-mentum, in dispensatione ministrorum Ecclesiæ con-sistens, competit tamen eis, in quantum of in officio nature: & tamen etiam Matrimoniū tale, est aliquo modo Sacramentum habituale, quāvis non actualiter, eò quid acti non tra-bant in fide Ecclesiæ.*

D. Tho. (inquit Pont.) Sacramenti nomi-ne non intellexit Sacramentum strictè sum-pturn pro signo sensibili, conferente gratiam, in qua sensu nunc disputamus, sed Sacra-mentum latè sumptum, quia est mysterium quoddam conjunctionis Christi cum Ecclesiæ. Quam significacionem actu sensu D. Thomas non convenire Matrimonio, nisi suscepso Baptismo. Ex eo autem, quod ei significatio conveniat Matrimonio ratione Baptismi, non rectè inferit Tho. Sanchez Matrimonium effici Sacramentum, & con-fere gratiam susceptione Baptismi. Hoc illi-

Ut ut sit de mente D. Tho. quæ mīhi in- certa est; nam dici posset, eum sensibile cum communiori sententia, actualè significatio-nem conjunctionis Christi cum Ecclesiæ, convenire Matrimonio ante susceptum Baptismum; estō, inquam, Doct. Angel. len-ret oppositum nostræ Conclusiæ non propterea ab ea recedendum, quam urique tenet Durandus 4. dist. 26. q. 3. n. 14. Vafquez 2. o. in 3. part. disp. 138. c. 5. & 4. ro. disp. 2. de Matr. c. 10. Tho. de Argentina ead. dist. 26. q. 1. a. 1. ad primum, & idem docuisse com-plures discipulos D. Tho. facetur Petrus Lo-dimæ de Matr. q. 59. a. 2. dub. 3. Eadem sententiam amplectitur Cominck de Sacra, disp. 24. n. 25. Basil. Pont. suprà n. 8. Ca-stro Palao suprà n. 14. Herinx sup. n. 19. & Alii.

At verò Capreolus 4. dist. 26. q. 1. a. 3. rationabile est, ut dicatur dare ratione promissionis; factæ in ipsa institutione Matrimonii. Ita nempe, ut Christus instituerit, quod daretur certa gratia fidelibus conjugibus, sive conjugum ineant post suscepitum Baptismum, siue antea inierint, & poftea baptizentur; & cum id potuerit facere, dici debet id fecisse: at per talem promissionem constituitur ratio Sacramenti, & nihil plus requiritur ad hoc, ut tali conjugio tribuatur ratio Sacramenti.

Possuntque etiam tales conjuges suscipere *Tertia*, benedictionem solemnem in Ecclesia conuenientem, licet ad id non teneantur: hæc autem solemnis benedictio instituta est, tamquam sacra ceremonia, ad ornatum Matrimonii, tamquam Sacramenti. Hucosque Aversa.

Sed contra hoc ultimum: etiam solemnitas Baptismi instituta est, tamquam sacra ceremonia, ad ornatum Sacramenti; & tamen sibi adhibetur ab Ecclesia, ubi tamen nullum suscipitur Sacramentum aut gratia Sacramenti; ergo similiter licet conjuges infideles post Baptismum possint suscipere benedictionem solemnem, quæ instituta est, tamquam sacra ceremonia, ad ornatum Sacramenti; hinc minimè sequitur, post Baptismum tales conjuges suscipere vel Sacramentum Matrimonii, vel gratiam Sacramenti.

Ad alterum respondeo: Christum multa facere posuisse, quæ non fecit; nisi ergo probetur vel ex Scriptura, vel ex PP. vel ex Concilio Oecumenico, aut certè Traditione, Christum fecisse, quod potuit facere, nullatenus censendum atque affirmandum est, id fecisse; maximè cum sit contra ordinarium modum agendi Christi, conferre gratiam Sacramenti, ubi & quando non suscipitur Sacramentum; non suscipitur autem Sacramentum Matrimonii in casu proposito, ut patet ex dictis; ergo non confertur gratia Sacramenti.

Subsumo ego; atqui non conceditur ipsum Matrimonium; quia post Baptismum non contrahitur novum Matrimonium, ut suppono; quid ergo mirum, si ab eis auferatur Matrimonii Sacramentum?

Probat 2. Non minus indigent ope & auxilio hujus Sacramenti, ad piè & sanctè subeunda onera Matrimonii, que utilitas fuit ratio, ob quam Christus hoc Sacramentum instituit; ergo credendum est, ita fuisse institutum, ut ii quoque ejus participes esse possint; nec præventio contractus conjugalis ante Baptismum, impedit fructum Sacramentalem post Baptismum. Unde fatetur Coninck credibile esse, Deum talibus majores dare gratias prævenientes ad ferenda incommoda Matrimonii, quam det infidelibus; ait tamen, non ob Sacramentum Matrimonii, sed ratione Fidei ac Baptismi. Verum facile &

305.

*Contraries**tiam,**Contra se-  
cundam,*

306.

*Probatur ex**Aversa non**requiri no-**vum conser-**sum,*

mat statum Sacramenti; sicut nec inter fideles, quando contrahunt, requiritur aut facit talis intentio ad constituendam in suo coniugio rationem Sacramenti. Ac demum necesse non est, ut statim inter conjuges venientes ad Baptismum, adhiberetur novus consensus, qualicumque requiri dicatur, quin immo posset longo tempore differri: at expedit dicere, Matrimonium inter fideles baptizatos, semper inducere rationem Sacramenti: igitur non debet requiri novus consensus post Baptismum. Hucusque Aversa.

307.  
Illatio Au-  
toris  
Resp. Aver-  
sa.

Infero ego: igitur non recipitur Sacramentum Matrimonii post Baptismum; ac proinde nec gratia Sacramenti.

Respondet Aversa supra §. Et inde: non quidem novum contractum aut consensus post Baptismum, constitutre inter conjuges conuersos hoc Matrimonii Sacramentum: sed eundem illum priorem contractum, & consensus legitimum in ratione coniugii, sanctificari per susceptionem Baptismi, & inducere statum Sacramenti.

308.  
Occurrunt ob-  
jectiones.

Nec refert, quod ille contractus jam transit & praeterit: transit enim physice, sed permanet suo modo moraliter, ratione vinculis coniugalibus, & pro tota conjugum vita durat ac ligat. Quare sicut semper actu conservat hoc mutuum ligamen, & corporum dominium inter coniuges, ita poterit semel, adveniente nepe conditione Baptismi, conferre gratiam. Et sicut etiam defacto, Matrimonium jam antea initum, valet ad successivam conferenda varia auxilia gratiae pro opportunitate, ita in hoc casu valet cum Baptismo, ad conferendam suam partem gratiae sanctificantis. Ad quod quidem nihil plus requiritur, quam Christum Dominum ita instituisse & promisisse, ut non solum iis, qui post Baptismum inirent coniugium, daretur talis gratia; sed etiam iis, qui antea conjugati, venirent postea ad Baptismum, quod absque omni dubio facere potuit, & nullum inconveniens est, si dicatur sic esse.

Occurrunt alteri obje-  
ctiones.

Nec etiam refert: quod id adimpleatur simul tempore, & in eodem instanti cum Baptismo; satis enim est, prius natura juxta divinam ordinationem perfici Baptismum, & per eum conferri gratiam baptismalem, & imprimi characterem; ac subinde consequenter sanctificari coniugium, & per illud conferri gratiam conjugalem. Et hoc singulariter est in coniugio, ut antea initum sanctificari possit; alia vero Sacraenta ex integrum post Baptismum conferri debeant; ubi sane ex peculiari ipsa ratione coniugii, & ex ritu singulorum aliorum Sacramentorum manifeste appetit ratio differentia. Hactenus praeformatus Auctor.

309.  
Sed petit principium, id est, supponit in-  
stitutionem seu voluntatem singularem Chri-

sti, quam singulariter non probat, sicut de rei beret probare; sed generaliter rancum, quia ipsa talis voluntas non est irrationabilis, quod minime sufficit. Fatoe quidem, hujusmodi coniuges indigere ope & auxilio hujus Sacramenti, ad pie & sancte subeunda onera Matrimonii; sed sibi imputent, quod illo auxilio careant, quoniam ante Baptismum Matrimonium contraherunt, cum debuissent Baptismum premitere, tamquam Sacramentum omnibus ad salutem necessarium, ad quod proinde primò omnium obligantur. Nonne etiam indigent auxilio hujus Sacramenti, qui post Baptismum contrahunt Matrimonium in malo statu? Et tamen, secundum communem sententiam (quamvis Aversa oppositum doceat ibidem q. 1. fect. 3. §. Septimo) nunquam accipit illud auxilium vi Sacramenti Matrimonii, quia Matrimonium non reviscit.

Dico: Vi Sacramenti Matrimonii; quia aliis mediis potest illud auxilium à Domino impetrari; & idem, quamvis non foret irrationabile, si conferretur vi Sacramenti praeter Mortali, tamen etiam non fuit necessarium ut vi datur Sacramenti praeteriti conferretur; adeoque non fuit irrationabile, quod non conferretur, quod tamen foret necessarium, ut efficiatur probaretur sic factum esse à Deo, quod fieri potuit. Ergo consimiliter in casu proposto, quamvis non foret irrationabile, quod coniuges post Baptismum acciperent gratiam Sacramenti Matrimonii, ad pie & sancte subeunda onera Matrimonii; tamen nullatenus est necessarium, quia aliis mediis possunt à Deo impetrare illa auxilia; ac proinde etiam non est irrationabile, quod illa auxilia non accipiunt vi Sacramenti Matrimonii, quod tamen foret necessarium, ut probaretur efficaciter, sic factum esse à Deo, quod fieri potuit.

Deinde, si Christus ita institueret Matrimonium, ut vi ejus daretur gratia post Baptismum, jam Matrimonium ante Baptismum foret Sacramentum; nam esset signum efficaciter gratiae ex opere operato; ad tale quippe signum sufficit, ut sublatu obice conferat suum effectum; porrò, supposita hac institutione Christi, ablato obice, id est, carentia Baptismi, Matrimonium ante Baptismum collatum conferret gratiam sanctificantem, & auxilia gratiae actualis ex opere operato; ergo etiam ante Baptismum foret verum & propriè dictum Sacramentum, quod est inconveniens.

Denique, quod ait Aversa supra: Transfere enim physicè, sed permanet suo modo moraliter &c, verum quidem est, sed nihil ad intentionem etenim Sacramentum Matrimonii non est Sacramentum permanentem, sed transiens fore consistens in actione; ergo vel tunc est Sacramentum, quando actio physica transit, vel

nunquam est Sacramentum. Itaque propter argumenta Aversae non arbitror recedendum à Conclusione.

<sup>312.</sup> Sed videamus & expendamus argumentum Sanchez supra n. 5. statim, inquit, ac baptizantur, Matrimonium illud repräsentat unionem Christi cum Ecclesia, cùm in Christi fide contractum perseveret, efficiturque indissolubile, saltem ut Matrimonium ratum fidelium; ergo statim ac baptizantur, efficitur Sacramentum. Et n. 6. ad primum argumentum oppositæ sententiae, Respondet esse novum Matrimonium, novumque vinculum, non omnino, sed inquantum prius Matrimonium, quod erat contractus naturalis profanus & solubilis, efficitur insolubilis, sacer & repräsentans unionem Christi cum Ecclesia; sicut in Trident. sess. 24. de Mat. can. 1. dicitur, Christum instituisse Matrimonium in nova lege, cùm tamen jam institutum esset; quia illud, ut esset Sacramentum indissolubile, exexistit. Hæc ille.

<sup>313.</sup> Respondeo ad ultimum; Trident. non dicit, Christum instituisse Matrimonium in lege nova; sed, Matrimonium Sacramentum instituisse: *Si quis dixerit, Matrimonium non esse verè & propriè unum ex septem legis Evangelice Sacramentis, à Christo domino insitum.* Neque idem hoc dixit Trident. quia Christus exexistit Matrimonium, ut esset indissolubile; nam à principio sua institutionis fuit indissolubile, quāvis non omnino; sed quia exexistit Matrimonium, ut conferret gratiam sanctificantem ex opere operato. Unde sequitur in canonе prefato: *Sed ab omnibus in Ecclesia inventum; neque gratiam conferre, anathema sit.*

Sed neque de facto est omnino indissoluble, tametsi sit Sacramentum; nam Matrimonium ratum tantum, potest dissolvi per ingressum Religionis; neque propterea minus est Sacramentum, quā Matrimonium fidelium consummatum, quod per illum ingressum non dissolvitur; nisi accipias Sacramentum latè, pro signo repräsentativo rei sacrae; sic enim Matrimonium consummatum est magis Sacramentum, quia significat unionem Verbi cum humanitate, quam non repräsentat Matrimonium tantum ratum; interim tota ratio Sacramenti propriè dicti perficetissime reperitur in Matrimonio rato; neque per consummationem & copulam acquiritur ulterior status Sacramenti propriè dicti, licet acquiratur major indissolubilitas.

Quāvis ergo per Baptismum Matrimonium infidelium fiat ratum, non tamen propterea Sacramentum propriè dictum; fieri quippe ratum, nihil aliud est, quād quod jam causā Baptismi amplius dissolvi non possit, prout ante Baptismum poterat; illa autem indissolubilitas, ut ostensum est, ni-

hil facit ad rationem Sacramenti propriè dicti, quæ consistit in significazione gratiæ Sacramentalis; quæ significatio annexa est non vinculo Matrimonii dissolubili ex certa causa, vel omnino indissolubili; illud enim vinculum est quid permanentis, cùm tamen hoc Sacramentum sit transiens; sed annexetur illi signo externo transiente, per quod inducit illud vinculum, sive ex caula aliqua solubile, sive omnino insolubile; tale autem signum de novo non ponitur post Baptismum, neque ipse Baptismus est tale signum; sic enim ipse Baptismus est Sacramentum Matrimonii, quod nemo haecenus somniavit; sed Baptismus tantum est conditio aliqua, quā posita, vinculum jam inductum, ex certa tamen causa solubile, amplius ob eam causam solvi non potest.

Itaque ad argumentum Sanchez, Respon-

<sup>314.</sup> deo in forma, distinguendo Consequens; et Ref. ad 1<sup>o</sup>

go statim ut baptizantur, efficitur Sacra-  
mentum, latè accipiendo ly *Sacramentum*,  
pro signo rei sacrae, scilicet conjunctionis  
Christi & Ecclesiæ, transeat totum; effici-  
tur Sacramentum propriè dictum, Neg.  
Conseq. Jam autem non queritur, an per  
Baptismum efficiatur signum conjunctionis  
Christi cum Ecclesia; quia Multi putant,  
etiam ante Baptismum esse tale signum;  
sed, an efficiatur signum efficax gratiæ  
sanctificantis, quod illo argumento Sanchez nullatenus probatur; sed dumtaxat,  
quod vinculum illud, quod remansit ex  
priori contractu, fiat signum conjunctionis  
Christi cum Ecclesia, & magis sit insolubile  
post Baptismum, quā erat ante Baptismum.  
Nemo autem docet vinculum illud  
esse Sacramentum propriè dictum; sic enim  
Matrimonium foret Sacramentum permanen-  
tis, cùm tamen Omnes doceant, esse Sa-  
cramentum transiens.

<sup>315.</sup> Actio ergo, per quam inducitur illud vin-  
culum, propriè est Sacramentum novæ le-  
gis; illa autem actio jam transtulit, quando quam indu-  
fuscipitur Baptismus; ergo ex naturali non  
fit sacra, neque ex solubili insolubilis, quia propriè est  
quod non est, non potest fieri sacram, aut *Sacram*,

insolubile. Et certè non dicitur illa actio sa-  
cra, nisi inquantum confert gratiam sancti-  
ficantem, neque dicitur propriè insolubilis;  
sed illa denominatio propriè afficit ipsum  
vinculum, quod permanet; ac proinde Sanchez petit principium, quando supra dicit:  
Matrimonium, quod erat contractus natu-  
ralis, post Baptismum efficitur sacer; hoc  
enim est, quod queritur, an illa actio, qua  
physicè transtulit, adveniente Baptismo con-  
ferat gratiam sanctificantem, quod nos ne-  
gamus. Non ergo debuit id Sanchez suppo-  
nere, sed probare.

Probatur, inquis; quia, ut dicit Sanchez

*Probatur ex Sanchez, a-  
tionem, que transiit, con-  
ferre gra-  
tiam, adve-  
niente Bap-  
tismo.*

suprà n. 6. Eo ipso quod baptizantur, con-  
sentient in Matrimonium precedens, & ut sit  
insolubile, signaque Ecclesie cum Christo  
unionem; quare illi confessus, eo signo ex-  
pliciti, sunt nova materia, & nova forma.

Sed contra 1. baptizari possunt conjuges  
infideles, nihil pro�us de Matrimonio antea  
inito cogitantes; vel quia de hac re à Sacer-  
dote non admonentur, vel quia fieri potest,  
ut unus cōjux in uno loco; & alter in alio ba-  
ptizantur, ignorantes omnino mutuum Baptis-  
tum: tunc autem quis dixerit, eos habere  
novum confessum, etiam quē vocant virtua-  
lem, qui sufficiat ad materiam & formam no-  
vam illius Matrimonii, ut fiat Sacramentum?

Deinde; fieri potest, ut infideles, qui bap-  
tizantur, interius exp̄s̄ nolint in antiquo  
Matrimonio perlevere, led aliud inire: ergo  
in hoc casu, nec virtualem confessum denū  
contrahendi habebunt, & tamen feret prius  
Matrimonium ratum & insolubile.

Adde etiam, quod licet in infidelibus con-  
jugibus, dum baptizantur, effet novus con-  
fessus virtualis, ex se sufficiens ad denū con-  
trahendum, nullum effet signum exterius,  
quo exprimeretur, ut oportet ad novum con-  
tractum ineundum; nam pr̄ter actionem ip-  
sam Baptismi, nulla est, per quam exprimi  
possit: quis autem dicat, eandem actionem  
Baptismi, hoc est, ablutionem, in ipsis conju-  
gibus receptam, cum illo confusu interiori,  
& sufficere pro materia Sacramenti baptismi,  
& pro materia seu forma Matrimonii, simul-  
que esse in ipsa ablutione duo Sacra-  
menta?

Ita interrogat Vasquez suprà n. 131.

Sed quid, si ego dixerim, id fieri posse, v. g.  
*An ablution  
in Baptismo  
possit simul  
esse materia  
aut forma  
Matrimonii.*

Sed quid, si sponsus & sponsa sibi mutuo statuant, pro  
signo sui confessus interioris de presenti, sus-  
ceptionem Baptismi seu illam ablutionem?  
Non video, quid tali casu obsteret, quod minùs  
illa ablutione sit materia Sacramenti Baptismi,  
& forma contractus Matrimonii: quamquam  
enim illa ablutione ex natura sua, & communi  
institutione hominum, non sit signum inter-  
ni confessus Matrimonialis, erit tamen tale  
signum ex institutione privata sponsi & spon-  
sa, quod sufficit, ut patet ex alibi dictis, sal-  
tem ad contractum Matrimonii.

Quid ni etiam ad Sacramentum Matrimo-  
nii? Siquidem nihil aliud ad hoc requiritur,  
quām ut sit contractus fidelium seu baptiza-  
torum; censes autem, quod non sit contractus  
baptizatorum, quando simul tempore cum  
Baptismo contrahitur? Nonne peccatum,  
commisum in Baptismo, secundum Multi-  
rum sententiam, est peccatum Baptizati, &  
per consequens materia Sacramenti Poenitentia?  
Ita docuius Disp. 7. Sect. 2. Concl. 1.  
Ergo similiter Matrimonium contractum in  
Baptismo, quid ni debeat censeri Matrimo-  
nium baptizatorum, & per consequens Sacra-

mentum novae legis? Et quid, si in ipso Bap-  
tismo sumeretur Eucharistia, censent, quia non  
causaret effectum in lument? Sanè Eucha-  
ristia instituta est ad pascendas oves Christi; &  
nonne isto casu pauperetur ovis Christi?

Dices cum Vasquezio suprà n. 120. cū  
quis aliquo actu habilis constituit debet ad alium, oportet, ut prius tempore habili redi-  
tatur per priorem, quām posteriorem reci-  
piat; nam habilitas prius tempore praecedet  
debet: cū enim quisque habilis accedere de-  
beat ad posteriore actum, necesse est, ut pre-  
mittat priorem. Cū igitur Confirmationem  
aut Eucharistie Sacramentum, aut aliud, ne  
mo recipere possit, nisi habilis per Baptismum,  
hoc est, nemo ad aliud Sacramentum accedere  
possit, ut bene illud recipiat, nisi baptizatus;  
consequitur, prius tempore baptizari oportet;  
aliоquin, si simul tempore aliud recipere,  
non diceretur baptizatus ad illud accedere. Se-  
cūt etiam contrā, cū statutum sit, ut qui to-  
cipit Sacramentum Ordinis excommunicati,  
ipsi facto irregularis sit, ut incurrit ir-  
regularitatem, necesse est prius excommuni-  
catu esse, & postea ordinari. Quocirca quā qui  
contra sententiam excommunicationis, hā ab  
ipso ordinante, ordinatur, ipso facto excom-  
municationem incurrit, non tamē irregulari-  
tem eodem actu simul, nisi in eo Ordine sub-  
cepto tunc solemniter ministeret. Hæc Vasc-

Repondeo: Confirmationis, aut Eucharistie  
Sacramentum, nemo recipere potest, nisi ha-  
bilis per Baptismum, distinguo; per Baptis-  
mum in fieri vel facto esse, concedo totum  
facto esse, hoc est quod queritur, & salvo me-  
lior, posset negari, sic intelligendo, quod fe-  
ctum esse, debeat praecedere aliquo instanti  
temporis. Nihil enim aliud videtur requiri  
validam Confirmationem, aut fructuam  
Eucharistiam, quām ut sit Confirmationis  
baptizati, aut susceptio Eucharistie ab  
mīne baptizato, quod verificatur, quando illa  
Sacramenta simul existunt in eodem instanti,  
vel non est verum, quod peccatum, commis-  
sum in Baptismo, sit peccatum homini bap-  
tizati. Quæ namque disparitas? Expecta-  
cam ad doctioribus.

Ad simile adductum à Vasquezio. Respo-  
deo: Disparitatem esse, quod ipso Ordinatione  
causa excommunicationis, ergo non ordinatus  
tali casu excommunicatus, sed excommunicat  
us ordinatus, jam autē non incurrit irregu-  
laritatem, nisi qui excommunicatus ordinatus.  
Aliud foret, si propter aliam causam ecclē in-  
stanti tēporis, quo ordinatur, excommunicar-  
etur; tunē enim idem videatur dicendum in  
hoc casu, scilicet, talē incurrire irregulari-  
tem, vel potius peccata suspensionis, ut Alii vo-  
lunt, quia reverā excommunicatus ordinatus.

Nisi forte disparitas petenda sit, ex Reg.

15. de Reg. Juris in 6. Odia restringi, &

Affinatur veres convenit ampliari. Et Reg. 49. eod. In aliquadis patr. panis benignior est interpretatio facienda. Porro illa irregularia aut suspensio procul dubio poena est & odium; ergo sic licet eam restrin-  
Reg. 49. & gere, ut non incuratur, nisi excommunicatio tempore praecesserit Ordinationem. Ergo etiam Baptismus debet tempore praecedere Sacramentum Confirmationis, Eucaristiae, Matrimonii &c. Neg. Conseq. quia favores conuenit ampliari; quis autem dubitet Sacra-  
menta illa esse favores? Et aliunde in dubio presumitur pro valore actus; arg. leg. 80.  
L. 80. ff de Verb. obli. Ambigua oratio est, commodissimum est id accipi,  
C. 15. de Verb. signif. ibi: Profecto sic intelligenda sunt illa verba, ut res, de qua agitur, valere possit potius, quam perire. Cum ergo dubium aliquod sit, num illa Sacramenta, suscepta simul tempore cum Baptismo, valeant, pro valore potius standum est. Hac dicta sunt disputationis causa, non resolutionis.

Interim nolo uti hoc argumento, quo tam Vasquez suprà uitetur, contra eos, qui dicunt, eodem instanti temporis, quo infideles baptizantur, eorum Matrimonium fieri Sacramentum, etiam abhinc novo consensu con-  
jugum; nolo, inquam, uti; tum, quia non omnino efficax; tum, quia minime necessarium, ut patet ex haec tenus dictis, quae probant, neque eodem instanti temporis, neque sequenti, quo infideles baptizantur, tametsi explicitè de novo consentirent in Matrimonium pre-  
cedens, & in maiorem ejus indissolubilitatem, probant, dico, Matrimonium praecedens fieri Sacramentum novæ legis, id est, signum efficax ex opere operato gratia sanctificantis.

Sed contra inquit Adversarii nostri: Si facta venditio non est ita rata, quin in potestate cuiuslibet ex contrahentibus sit, eam irritare, dicitur propriè facta denud, cum ita firma efficiatur, ut annullari nequeat; sed Matrimonium infidelium poterat ab altero dissolvi, eo solo admittente fidem, & dum baptizantur, novo consensu ita ratificant, ut amplius dirimi nequeat Matrimonium; ergo tunc dicitur contrahit, & subinde erit Sacramentum; tanquam Matrimonium post Baptismum contractum.

Respondet Vasquez suprà n. 122. venditionem aliquam tunc dici verè fieri & celebri, quando firma redditur, & ita rata, ut consensu cuiuscumque contrahentis rescindi non possit: addimus tamen, toto eo tempore, quo voluntate cuiuscumque contrahentis dissolvi potuit, & hæc ratione firma non fuit, non fuisse veram venditionem; sed tractatum quemdam de facienda venditione, quis hoc neget? Hoc autem modo non se habere matrimonium infidelium, qui baptizantur, manifestum est; quia ab initio, antequam baptizarentur, verum & firmum & perfectum Matrimonium inter-

eos initum, & factum, & consummatum erat; alioquin, juxta hanc sententiam, dicere cogemur, infideles veros conjuges non fuissent; sed tractatum eorum, vim tantum habuisse sponsalium, usque ad Baptismum; sicut venditio illa non firmavim tantum haberet contractus de facienda venditione, venditio tamen non esset; quod planè absurdum est, & error in fide.

Adde quod ante Baptismum non fuit in potestate cui uscumque conjugis, dissolvere Matrimonium, aut, ut ipsi loquuntur, in potestate alterutrius; immo neque ex mutuo consensu id fieri potuit, sed occasione quâdam majoris momenti, qualis est Fidei, permisum est baptizato, ut si nolit infidelis habitare cum eo sine contumelia creatoris, & ipse velit Matrimonio alteri copulari, possit, & eo ipso Matrimonium præteritus dissolvi: hoc autem consensum est in favorem Baptismi & Fidei, quam in ipso profitemur; non quia Matrimonium, in infidelitate contractum, firmum & in se indissoluble non esset; sed quia majoris momenti est Fides, quam in Baptismo profitemur, ob quam pati non debet baptizatus, nec cum tanto detimento ad Baptismum obligari, ut sine Matrimonio perpetuò maneat. Atque simili de causa venditio, alias firma & consummata, dissolvi potest, videlicet ex causa majoris momenti. Demùm, venditio, aut aliis humanus contractus, non incipit esse firmus & indissolubilis sine novo consensu contrahentium; Matrimonium autem incipit esse rarum, & ita ex quacumque causa indissolubile, sola Baptismi receptione, etiam si conjuges nullo modo in Matrimonium consentiant; sed unusquisque eorum baptizetur, ignorans prorsus alium baptizari. Haec tenus Vasquez.

Breviter: Matrimonium, ante Baptismum celebratum, secundum Omnes, solo consensu partium nequit dissolvi, sed tantum beneficio Fidei; ab eo uteque, à qua indissolubilitas inducta fuit, id est, à Deo; venditio autem censemtur facta, quando est insolubilis voluntate partium, quāvis forte aliquo beneficio legis posset solvi, v.g. beneficio restitutionis integrum; non enim quando perditur illud privilegium, tunc primum censemtur fieri venditio; sed quando ita perfecta est ex consensu partium, ut per solum illum consensum non possit solvi. Atque ita imprestariunt, tametū conjuges possint suscipere Baptismum, & per consequens solvere Matrimonium, si altera pars nolit cohabitare sine injuria creatoris; non tamen propriè illa solutio pertinet ad eorum voluntatem; siquidem, nisi Deus illud beneficium annexisset, susceptioni Baptismi minimè per illam Matrimonium redderetur solubile; & ita tota solubilitas, quæ hic est, oriatur ex voluntate Dei, sive beneficio legis, quæ sanè solubilitas non obstat perfectioni contractus, etiam venditionis.

328. Aliud est, quando consensus datus est sub  
Matrimoniū condicione; nam tunc, ante impletionem con-  
ditionis, non habetur effectus Matrimonii,  
ante impli- id est, vinculum non est inductum; adē, ut  
tationem non tunc per solam voluntatem contrahentium,  
inductum vin- Matrimonium istud conditionatum possit  
trionale: solvi. Verbo ut absolvam: tunc nunquam fuit  
simpliciter Matrimonium, & idē non mar-  
rum, si fiat, quando conditio ponitur; hic  
vero supponitur Matrimonium aliquando  
fuisse, & adhuc esse; jam autem, ut suprà di-  
ctum est, inter easdem personas nunquam se-  
cundò contrahitur, quantumcumque ponatur  
noxius consensus, etiam intentione de no-  
vo contrahendi.

329. Aliud arg.  
Adversario-  
rum.

Responso.

C. 7. de Di-  
vort.

330. Quid sit  
effici Matri-  
monium ra-  
tum per  
Baptismum.

Ergo Matrimonium effici ratum per Bap-  
tismum, non est idem, quod effici Sacramen-  
tum; sed effici indissolubile, ita ut ipsum in  
conjugibus, illo durante, perdure; nisi be-  
neficio legis, sive ex voluntate Dei dissolva-  
tur, ut dislocari potest per ingressum Reli-  
gionis.

Ex quo etiam patet; Pontificem in illo ju-  
re, per Sacramentum conjugii, non intelli-

gere contractum Matrimonii, qui solus pro-  
priè est Sacramentum novæ legis; nam hic  
transit & non perdurat; sed vinculum Ma-  
trimonii, quod est Sacramentum largè sum-  
ptum, & perfectius Sacramentum, quod magis  
indissolubile est, qui perfectius representat  
unionem Christi cum Ecclesia. Et de hoc  
vinculo & Sacramento largè sumpto, intel-  
ligendi sunt PP. quando dicunt, idē Matri-  
monium fidelium esse Sacramentum, quia ha-  
bet majorem insolubilitatem.

Ex quo patet responsum ad 3. argumentum  
Adversariorum: Matrimonium post Bapti-  
snum perfectè significat conjunctionem Chri-  
sti cum Ecclesia, quod est proprium Sacra-  
menti Matrimonii. Respondeo: est proprium  
Sacramenti Matrimonii latè sumptu pro-  
vinculo Matrimoniali, secis Sacramenti Matri-  
monii novæ legis; sed proprium hujus Sacra-  
menti est, significare & causare gratiam fa-  
ciliçantem ex opere operato, quod non com-  
petit vinculo Matrimoniali, ut jam non le-  
ditum est; sed ipsi contractui matrimo-  
niali, per quem inducitur vinculum.

Dicit fortè aliquis: si infideles post Bapti-  
snum habent idem vinculum & gravamen,  
etiam debent juvari eadē gratiā. Respon-  
do: etiam in lege naturæ & lege veteri erit  
idem vinculum & gravamen, nisi quod li-  
cita fuerit Polygamia, & permisus libelle  
repudii à Moyle, & tamē nulla gratia Sacra-  
mentaliz; immo tunc ex aliqua parte  
bebant maius vinculum, cùm non posset lib-  
vi per ingressum Religionis. Alii ergo me-  
dis, ut suprà adhuc dixi, possunt libelle  
gratias procurare. Et aliunde, si suā culpi  
Baptismum distulerint, sibi debent impunia  
quod careant illis gratis Sacramentalibus. Et  
hactenus quidem de essentia contractū, &  
Sacramenti Matrimonii; sequitur agen-  
dum de ejus permissione, & præceptu.  
Erit itaque

## SECTIO V.

### DE PERMISSIONE, ET PRÆCEPTO MATRIMONII.

I.  
Quid sit jus  
naturale, &  
quod duplex  
ex Pontio.

**O**bservandum est, inquit Basilius  
Pont. lib. I. de Mart. c. 3. n. 5.  
jus naturale dici, quod convenit  
homini, spectatis naturæ prin-  
cipiis secundum se, & ex principiis  
naturæ rationalis, optimâ ratione deducitur,  
sive spectatur homo secundum se, sive ut vi-  
tam socialem agens. Hoc autem jus naturale,  
ut advertunt plerique juris Interpretes, atque  
Theologi, duplex est: alterum est justitiæ si-  
ve necessitatis, alterum est utilitatis. Justitiæ

quidem vocant, quod non tantum fieri per-  
mittit, sed ita jubet, ut oppositum non licet;  
velut non furari, non mœchari, reddere de-  
positum. Jus autem utilitatis vocant, quod  
non quidem jubet, ita ut oppositum peccatum  
sit, sed liberam facultatem concedit,  
utendi re aliqua, tamquam utili vel honesta.  
Hæc ille

Alii alii utuntur terminis, & dividunt jus  
naturale, in jus naturale permissionis, & jus  
naturale præceptivum. Illud dicitur esse de  
jure